

Die 17 Maii

Omnium Ss. Episcoporum Sanctæ Civitatis Jerusalem
Memoria

Ant. ad introitum

Ier 3, 15

Dabo vobis pastores iuxta cor meum, et pascēt vos scientia et doctrina (*T.P.* Allelūia).

Collecta

Deus, qui beātos episcopos Civitātis sanctæ ad pascēndum pópulum tuum spíritu veritātis et dilectiōnis implevisti, eorum intercessiōne concēde: ut pastōribus nostris sincēra caritatē et oboediētia adhærēntes, una cum ipsis de terrēna ad cælestem Ierúsalem transire mereāmur.
 Per Dóminum.

LECTIO PRIOR

« *Unxit me Dominus et evangelizare pauperibus misit me* »

Lectio libri Isaíæ prophétæ 6, 1-3a. 6a. 8b-9

Spíritus Dómini super me, eo quod únxit Dóminus me, ad annuntiandum mansuētis misit me, ut medérer contritōnem, et prædicárem captívīs indulgēntiam et clausis apertiónem, ut prædicárem annum placábilem Dómino et diem ultiōnis Deo nostro, ut consolárer omnes lugēntes, ut pónerem lugēntibus Sion et darem eis corónam pro cinere, óleum gáudii pro luctu, pállium láudis pro spíritu mæroris.

Vos autem « sacerdotes Dómini » vocabimini, « ministri Dei nostri » dicetur vobis.

Dabo opus eorum in veritate et fœdus perpétuum fériam eis. Et scient in gēntibus semen eorum et germen eorum in médio populórum. Omnes qui viderint eos cognoscent illos, quia isti sunt semen, cui benedixit Dóminus.

Verbum Dómini.

PSALMUS RESPONSORIUS

Ps 22, 1-3a. 3b-4. 6 (R. 1)

R. Dóminus pascit me, et nihil mihi déerit (*vel* Allelūia)

- 1 Dóminus pascit me, et nihil mihi déerit
 in páscuis viréntibus me collocávit,
 super aquas quiétis edúxit me,
 ánimam meam refécit. *R.*
- 2 Dedúxit me super sémitas iustitiæ propter nomen meum.
 Nam et si ambulávero in valle umbræ mortis,
 non timébo mala, quóniam tu mecum es.
 Virga tua et báculus tuus
 ipsa me consoláta sunt. *R.*
- 3 Etenim benignitas et misericórdia subsequéntur me
 ómnibus diébus vitæ meæ,
 et inhabitábo in domo Dómini
 in longitúdinem diérum. *R.*

ALLELUIA

Io 10, 14

R. Allelūia *Ps.* Ego sum pastor bonus, dicit Dóminus; et cognosco oves meas, et cognoscunt me meæ.
R. Allelūia.

EVANGELIUM

Bonus pastor animam suam ponit pro ovibus suis

✠ Lécio sancti Evangélii secúndum Ioánnem 10, 11-16

In illo témpore :

Dixit Iesus discíplis suis : « Ego sum pastor bonus : bonus pastor ánimam suam ponit pro óvibus ; mercenárius et qui non est pastor, cuius non sunt oves própriae, videt lupum veniéntem et dímittit oves et fugit — et lupus rapit eas et dispérgit — quia mercenárius est, et non pértinet ad eum de óvibus. Ego sum pastor bonus : et cognóscó meas, et cognóscunt me meae, sicut novit me Pater, et ego agnóscó Patrem : et ánimam meam pono pro óvibus. Et álias oves hábeo quæ non sunt ex hoc ovili, et illas opórtet me addú, cere, et vocem meam áudient, et fient unus grex, unus pastor.

Verbum Dómini.

Super oblata

Súscipe, quaesumus, Dómine, hoc sacrificium pópuli tui, ut, quod tibi in honóre beatórum episcopórum offértur ad glóriam, nobis tríbuas ad salútem perpétuam.
Per Christum.

Praefatio

℣. Dóminus vobiscum.
℞. Et cum spiritu tuo.
℣. Sursum corda.
℞. Habémus ad Dóminum.
℣. Gratias agámus Dómino Deo nostro.
℞. Dignum et iustum est.

Vere dignum et iustum est, æquum et salutáre, nos tibi semper et ubique grátias ágere :
Dómine, sancte Pater, omnipotens, ætérne Deus :
per Christum Dóminum nostrum.

Tu enim Sanctórum tuórum confessióne mirábili
Ecclésiám hierosolymítanam nóva semper virtúte fecúndas,
nobisque certíssima præbes tuæ dilectiónis indícia.
Sed étiam, ad mystéria salútis implénda,
et ipsórum insígni incitámur exémplo
et pia intercessióne perpétuo commendámur.
Unde et nos, Dómine, cum Angelis et Sanctis univérsis
tibi confitémur, in exultatióne dicétes :
Sanctus, Sanctus, Sanctus Dóminus Deus Sábaoth...

Ant ad communionem

Mt 20, 28

Fílius hóminis non venit ministrári sed ministráre, et dare ánimam suam redemptiónem pro multis. (*T. P.* Allelúia)

Post communionem

Sacraménta quæ súmpsimus, Dómine Deus noster,
illam nobis fidem innútriant,
quam et apostólica dócuit prædicatio
et beatórum episcopórum sollicitúdo custodívit.
Per Christum.